


# Балаларға арналған Киелі кітап ұсынады

## Ишая болашақты көреді



Мәтінін жазған: Edward Hughes

Суретін салған: Jonathan Hay  
Alastair Paterson

Бейімдеген: Mary-Anne S.

Қазақ тіліне аударған: Raikhan Esimkhankyzy

Шығарушы: Bible for Children  
[www.M1914.org](http://www.M1914.org)

©2023 Bible for Children, Inc.  
Лицензия: сатуға тым салынған, көшірме жасауға  
немесе басып шығаруға рұқсат етілген.

1

Ишая пайғамбар болған. Оның жұмысы  
адамдарға Құдайдың айтқанын жеткізу болды.



2

Адамдар Құдайдың Сөзін тындауға әрқашан құлықты бола бермейтін, бірақ Ишая ешқашан Құдайды ұятқа қалдырған емес.

Ишая төрт түрлі патша тұсында уағыздады.



3

Ұзиях патша Иерусалимнен Яһуда жеріне билік құрды. Алдымен Құдай Ұзияхты жарылқады, өйткені ол Жаратқанның көз алдында дұрыс істерді істеді. Бірақ Ұзиях өркөкіректеніп, Құдайға бағынуды доғарды. Ол алапеспен ауырып, өле-өлгенше жалғыз өзі тұруға тиісті болды.



4

Ұзиях патша 60 жылдан астам уақыт басқарды. Ол қайтыс болған кезде, оның ұлы Жотам орнын басып, он жеті жыл билік жүргізді. Құдай Жотамды жарылқады, себебі ол Құдайдың Ишая мен басқа пайғамбарлар арқылы айтқанына құлақ қойды.



5

Жотам патшаның ұлы Ахаз болды. Патшалық ете бастаған кезде, Ахаздың жасы жиырмада болатын, солайша ол Иерусалимде он алты жыл билік жүргізді.



6

Ахаз Құдай туралы еш қам жемеді. Ол жалған тәңірлердің мүсіндері мен құдайларға табынып, Құдайдың көп адамдарын да солай етуге итермеледі. Ишая оған ескерту жасаса да, Ахаз Құдайдың ескертулеріне құлақ салмады. Ол жасы небәрі 35-ке келгенде көз жұмды.



7

Құдай келесі патша Езекияны жарылқады, өйткені ол барлық жалған тәңірлер мен құдайлардың мүсіндерін жойып, шынайы Құдайға сиынды. Жау әскері Яһудаға шабуыл жасаған кезде, Езекия өзінің әскері жеңіске жетуге тым осал екенін білді. Ол Ишаядан Құдайдан көмек сұрауын өтінді.



8

Ишая мына хабарды патшаға жіберді: «Жаратқан Ие мынаны айтады: мына жаудан қорықпаңдар... Мен оны құлатам...». Осыдан аз уақыт өткенде, Құдай жаудың әскерін Езекиямен соғыспастан кетіп қалуға мәжбүр етті.



9

Өзінің маңайындағы адамдар Құдай туралы аз ойласа да, Ишая Ол жайында көп ойлады.

Бірде ол адам ұйықтап жатпай-ақ көрген түске ұқсайтын аян көрді. Сол көріністе Ишая Жаратқан Иенің қандай киелі де салтанатты екенін көрді.



10

«Мен кімді жіберсем екен?» Құдай аянда осылай сұрады. «Міне, мен бармын. Мені жібер», – деп жауап берді Ишая. Ол Құдай не сұраса соны істеуге, қайда жіберсе, сонда баруға дайын болды.



11

Бәлкім Ишая Құдай Өзі туралы естімеген алыстағы адамдарға жібереді деп ойлаған шығар. Бірақ олай емес. Құдай осылай еткен жоқ. Құдай Ишаяға өз халқымен өз елінде сөйлесу керектігін айтты. Ол оларға күнәлары үшін

Құдайдың қаһарлы екенін айтуға тиісті болды.



12

Ишая өз халқына айтуға тиісті басқа да нәрселер болды: оларды күнәдан және барлық жауларынан құтқару үшін келетін құдіретті күш Иесі болатын Адам туралы керемет нәрселер.




13

Еврей халқы сол Адамды Мәсіх деп атады. Құдай Мәсіхті жібереді деп күткендеріне қарамастан, көп адамдар Ол ешқашан келмейтін сияқты өмір сүрді.



14

Ишаяның Мәсіх жайында айтқандарының бәрі оның кітабында жазылған.



Ол осы нәрселерді олар болмастан бұрын жүздеген жылдар бұрын жазса да, Ишаяның Мәсіх жөнінде айтқандарының бәрі орындалады.

15

Ишая Құдайдың Өзі белгі беретінін айтты. Ол: «Міне, пәк қыз ұл туады, оған Имануил



деп ат қоясың», – деді. Адамдар Ишаяның Құдай жіберетін Мәсіх жайлы айтқанын білді, өйткені әйел адам пәк қыз бола тұрып, бала табуы мүмкін емес.

Онымен қоса Имануил деген есім «Құдай бізбен бірге» деген мағына береді.

16

«Себебі Сәби дүниеге келді, Бізгеосы Ұл берілді! Билік Оның қолында болады: Оған «Керемет, Кенесші, Қүдіретті Құдай, Мәңгілік Әке, Тыныштықтың Әміршісі» деген ат қояды. Ишая Құдайдың уәделері орындалатынына сенімді болғаны соншалық, осы оқиға болып қойғандай етіп айтты. Бұл, «пайғамбарлық сөз» аталады.



17

Ишая Мәсіх ұлы болатынын, ұлы істер атқаратынын айтты. Құдай Ишаяға, сондай-ақ, Мәсіхтің азап шегіп өлтірілетінін адамдарға айтуды бұйырды. Ишая, мүмкін, Мәсіх қалайша ұлы әрі күдіретті бола тұрып, әлсіз әрі жаралы болады деп ойлаған шығар. Бірақ Ишая Құдаймен дауласпады: ол тек Өзіне Құдай айт деп бұйырғанды ғана жеткізді. Құдай оның пайғамбарлық сөздері орындалуын қадағалайды.



18

Мәсіх тек еврей халқы үшін ғана келуге тиісті емес еді. Құдай Ишаяға Мәсіхтің «құдайсыз халықтарға да нұр» болатынын айтты. Еврей еместерге осы дүниедегі еврей емес халықтардың бәрі жатады. Құдай бәрін де сүйеді, сондықтан Оның Ұлы Мәсіх барлығын жарылқап, жердің шетіне дейін құтқарылу әкелу үшін келеді.



19

Ишая болашақты көреді

Құдайдың Сөзі –

Киелі кітаптан алынған әңгіме

Ишая 1, 6, 7, 9, 53

"Мәнісі ашылғанда сөздерің нұрын шашады."  
Забур 119:130

20



**Соңы**

27

60

21

Киелі Кітаптағы бұл әңгіме бізді  
жаратқан әрі Оны білгенімізді қалайтын  
тамаша Құдайымыз жайында баяндайды.

Құдай біздің жаман істер істегенімізді біледі.  
Ол мұны күнә деп атайды. Күнәнің жазасы - өлім.

Құдай бізді сондай қатты сүйгендіктен, Өзінің жалғыз Ұлын,  
Исаны айқыш ағашта өліп, біздің құнымызды өтеу үшін жіберді.  
Иса қайта тіріліп, көкке көтеріліп кетті. Енді Құдай біздің  
күнәларымызды кешіре алады.

Егер сен күнәларыңнан арылғың келсе,  
Құдайға былай де: Көктегі Құдай, Исаның мен үшін өліп,  
қайта тірілгеніне сенемін. Мен енді жаңа өмірге ие болып,  
кейін Сенімен мәңгі бірге болуым үшін менің өміріме келе гөр,  
менің күнәларымды кешіре гөр. Сенің балаң болып, Сен үшін  
өмір сүруіме көмектесе гөр. Аумин. Жохан 3:16

Киелі Кітапты күнделікті оқып, Құдаймен тілдес.

22